

**Instrvctio R. P. Bartholomæi Riccii Societatis Iesv
Theologi De Modo Recte Meditandi De Rebvs Divinis**

Ricci, Bartolomeo

Mogvntiæ, 1605

1 Qvid sit divinæ scripturæ sensus, & quotuplex.

[urn:nbn:de:hbz:466:1-59608](#)



TRACTATVS PRIMVS.
DE DIVINÆ SCRITVRÆ SENSY.

*Quid sit diuinæ scripturæ sensus, &
quotuplex?*

CAPVT I.

 Vm diuinæ scriptura, ut dictum est, ordinaria debeat esse Meditacionum nostrarum materia, & ideo, cognito eius sensu, ea documenta ex illa haurire debeamus, quæ eius auctor Spiritus sanctus illi ad doctrinam nostram inclusit, vt affirmat S. GREGORIUS in moralibus his verbis. *Quasi quoddam speculum mentis oculis opponitur diuinæ scriptura, vt interna nostra facies in ipsa videatur, ibi enim seda, ibi pulchra nostra cognoscimus: ibi sentimus, quantum proficimus; ibi docemur à profectu quam longe distemus. Dum narrat gesta sacerdotum, ad imitationem corda prouocantur infirmo-*

G

14.11

98 INSTRVCT. DE MODO

rum. Dum illorum victoria facta commemo-
rat contra vitiorum pralia debilita nostra con-
firmat, necessarium est explicare, quid sit
sensus scripturæ, & quotuplex. Quod hoc
capite præstabo, illudq; in duas distribuam
partes. In prima docebo, quid vocabulo sen-
sus diuinæ scripturæ intelligatur. In secun-
da quo sint sensuum genera.

PRÆTERMISSIS autem variis interpreta-
tionibus, vna tantum cæteris faciliore &
clariore, quæ à quibusuis commode percipi
queat, ero contentus. Dico ergo, non esse
aliud, quam conceptum, quem D E V S scri-
pturæ auctor habet in suo intellectu. Itaq;
assequi sensum alicuius scripturæ loci, est
eandem eius habere intelligentiam, quam
habet D E V S ipse. Sic loquitur Apostolus ad
Corinthios scribens. *Nos sensus Christi ha-
bemus.* quasi diceret, scripturā intelligimus,
sicut intelligit Christus. Et S. Ioannnes Eu-
g. Iean. 5. anglista. *Dedit nobis sensum, ut cognoscamus
verum Deum.* alludens forte ad illud, quod
Luc. 24. S. Lucas refert. *Aperuit illis sensum, ut intelli-
gerent scripturas.* Dixi sacræ scripturæ au-
ctorem esse D E V M , quia ita asseuerat Apo-
stolus in epist. 2. ad Timotheum dicens: *O-
mnis scriptura diuinitus inspirata.* & S. Petrus
2. Pet. 1. in 2. epistola. *Non enim voluntate humana
allata*

allata est aliquando prophetia, sed spiritus sancto inspiratis locuti sunt s. Dei homines. Qui sancti tantum fuerunt Spiritus sancti scribæ, & Secretarii, immo minus ut ex parte sua de se testatur propheta David, vocans se causa *Psal. 44.* *lamum scribæ. Lingua mea inquiens, calamus scriba velociter scribaturis.*

Quod ad alteram partem attinet, sensum sic definitum, dico diuidi in Historicū, vel literalem, & Mysticū, vel Spiritualem. Mysticus vero diuiditur in tres alias, Allegoricum, Anagogicum, & Tropologicum vel moralem. Verum de his non agam hoc loco: nam secundum illos meditationem instituere nimis arduum foret Tyronibus & Incipientibus. Litteralis rursus solet diuidi in Proprium, & Translatum. Proprius item in Primarium, & secundarium, de quibus omnibus differemus in capitibus sequentib.

De sensu litterali Proprio.

C A P. II.

SCIENDVM est, ob vocabulorum inopiam, rerumque significandarum copiam, veteres uno eodemque vocabulo res varias propriè appellasse, significatu partim primario, partim secundario.

G 2 Prima-